



**A BETTER LIFE FOR ALL**

**A RE DIRENG GO  
FETA, MMOGO.**

**VOUTELA ANC**

Issued by the African National Congress,  
**ANC Headquarters,**  
54 Pixley Ka Isaka Seme Street,  
Johannesburg, 2001,  
+27 11 376 1000,  
[www.anc1912.org.za](http://www.anc1912.org.za)

© ANC 2024



**African National Congress**



**ANC**





# ANC 2024 ELECTIONS MANIFESTO

## A RE DIRENG GO FETA, MMOGO. BOTSHELO JO BO BOTOKA JWA BOTLHE

Ditlhopho tsa 2024 di diragala ka nako eo re ketekang 'ngwaga tse 30 tsa kgololosego le demokerasi. E nnile dingwaga tse 30 tsa demokerasi ya molaotseo wa rona eo ka yona re dirang go bofolola dikgole tsa tlhaolele, le go aga setšhaba se se matlhagatlhaga sa demokerasi se se ka re neteafaletsang botshelo jo bo botoka jwa botlhe.

Mmogo le ditšhaba, morafe wa selegae, mekgatlho ya bodumedi, mekgatlho ya baša le basadi, ba ba kgonang go bopa kgotsa go tlhama, LGTBQIA+, dingaka tsa setso, batho ba ba tshelang ka bogole, dirutegi, bagodi le dikgweb, re tsweditse pono e e tshwanang, ya Aforika Borwa e e tshwaraganeng, e e sa kgethololeng ka bomorafe, e e sa kgethololeng ka bong mme e gatelopele, e e sa tlogeleng motho ope kwa morago.

Manifesto wa ANC o tsepamesitse mogopolo go diphitlhelelo tsa ngwaga tse 30 tse di fetileng, tsa go aga setšhaba se se sa kgethololeng ka bomorafe le bong, se se tlotlang ditshwanelo tsa botlhe le go fitlhelela ditlhokwa tsa motheo. Re fitheletse tse dintsi, go netefatsa gore go nna le phitlhelo e e akaretsang ya thuto, metsi le kgeleloleswe, boitekanelo, dintlo le ditlhaeletsano, fela re tshwanetse go dira go feta go dira gore tseno, di dire botoka le go fitlhelela botlhe.

Ke ka lebaka leo morago ga dingwaga tse 30 tsa go fetogela go demokerasi, re batlang thata ya go tswelsetsa thomo eno ya gotlhe ya go fetoga. Manifesto wa ANC o re tlama go simolola pele ka tse di latelang, tse di leng botlhokwa go botshelo jo bo botoka jwa botlhe:

## PRIORITY 1

### LEANO LA MESEBETSI HORE MA-AFIKA BORWA A FUMANE MESEBETSI

Leano la rona ke go tlhola ditšhono tsa ditiro di le 2.5 million ka go fitlhelela ditlhokwa tsa motheo, tirelo ya bosetšhaba ya baša, go direla dialogane tse di sa thapiwang ditšhono le go tshegetsisa morafe wa selegae; ka go dira le lephata la poraefete go tlhama ditiro, le ka go beeletsa go dikgwebopatlana, dikoporasi le dikgwebotse tsa makeišene le tsa kwa magaeng le go tlhama ditšhono tse dingwe gape tsa ditiro di le 1 million. Re tla tswelela gape ka go gatelela tekatekano mo go thapeng mo maphateng otlhe a diporofesene le a botswerere, mo maphateng oo mabedi a poraefete le a setšhaba.

## PRIORITY 2

### GO AGA MADIRELO GO FITLHELELA IKONOMI E E AKARETSANG BOTLHE

Go godisa le go atolosa ikonomi, re tla tsepamisa mogopolo mo go tshegetseng madirelo a botlhokwatlhokwa jaaka a a mosola a diminerale, bojanala, di-blue and green economies, lephata la ba ba bopang le a mangwe; gore re oketse diromelwantle go ya dinageng tse dingwe tsa Aforika le kwa mebarakeng e mengwe e mentšhwa, mme re fetole ikonomi. Re tla matlafatsa gape madirelo a botlhokwa jaaka a meepo, tshipi, temothuo, a a dirang dikoloi le a a agang, a diaparo le matsela, a dikhemikhale jalo le jalo.

Re tla baakanya dikgoreletsi tsa thulaganyetso tsa maatl, metsi, dinamelwa le tsa go tsamaisa dithoto tse di leng botlhokwatlhokwa mo tlhabololong ya ikonomi le go atolosa boitekanelo, thuto le thulaganyetso ya setšhaba.

Re tla atolosa thulaganyo ya madirelo a bantsho go tshegetsisa ditlamo di le 2,000; re dire tlhabololo ya lefatshe le tshireletso ya lefatshe leo ka bonako, re eme nokeng dikgwebopatlana le dikoporasi tsa basadi, baša le batho ba ba tshelang ka bogole. Re oketse diromelwantle go ya mebarakeng ya gotlhe le ya kontinente ka tiriso ya African Continental Free Trade Area (AfCFTA), BRICS Plus le international trade relationships Align government policy, le go fetola lephata la ditšhelete gore re fitlhelela ditlhokwa tsa motheo mme re tshegetse go tlholwa ga ditiro le diindaseteri (industrialisation).

## PRIORITY 3

### GO MEKAMEKANA LE BOTSHELO JO BO TLHWATLHWA GODIMO

Go direla badiri, batlhokatiro, malapa a dithogo tsa ona e leng basadi le batho ba maemo a a mo magareng botshelo jwa ka metlha jo bo kgonegang, re tla dira go feta go ba abela ditlhokwa tsa botlhokwa jaaka dijo, dintlo, tlhokomelo ya boitekanelo, maatl a motlakase, metsi, dinamelwa le lotseno. Mo ngwageng o o tlang, re tla dira tshireletsego ya dijo selo sa botlhokwatlhokwa, re tlose VAT mo dithotong tsa botlhokwa, re dire tlhabololo ya lefatshe ka bonako, re tshegetse ba ba itirelang ditshingwana tsa setšhaba/malapa mme re fedise tsepamiso ya ditlhwatlhwa mo 'thotong tsa motheo.

Re tla tswelela go atolosa ditirelo tsa motheo tse di etleeditsweng jaaka metsi, dintlo tsa bahumanegi, le dipholisi tsa bomasepala tse di bokoa, re tswelsetse le go etleetsa di-solar power tse ditlhwatlhwatlase, re matlafatse ditirelo tsa boitekanelo le go tsenya mo tirisong National Health Insurance (NHI) go dira gore tlhokomelo ya boitekanelo e kgonege le go amogelwa ke botlhe. Go ya ka ditlhaelo tse baithuti ba lebaneng natso, re tla dira molawana o o laolang tlhwatlhwa tsa bonno jwa baithuti le go aga manno a mangwe.

Gore re se tlogele ope kwa morago, re tla matlafatsa tshegetso ya lotseno ka 'thuso tsa Social Relief of Distress (SRD) go tsenya thuso ya madi e e tshegetsang lotseno lwa motheo mme re netefatse gore kokeitso tsa National Minimum Wage di tsamaelana le infoleišene.

## PRIORITY 4

### GO BEELETSA MO BATHONG LE GO FITLHELELA DITLHOKWA TSA MOTHEO

Re tla dira botoka go tokafatsa boleng jwa thuto le boitekanelo mme re tokafatse tirelo tse dingwe tsa setšhaba le maphata otlhe a puso a a dirang mmogo, go netefatsa gore go nna le kabo ya ditirelo e e botoka.

Re tla naya puso tsa bosetšhaba le ya porofense maatl a go ema nokeng le go thusa bomasepala ba ba nang le bothata jwa go abela baagi ditirelo, mme re thuso go ba abela metsi a a phepa, go baakanya le go dira dithulaganyetso tsa metsi. Re tla tokafatsa tsamaiso ya puso le maemo a tirelo tsa setšhaba, re fedise bobodu mme re dire le baagi go abelana ka tirelo tsa motheo tsa boleng tse di ikanyegang.

Re tla oketsa phitlhelelo ya thuso ya madi (grant), dintlo, dinamelwa, metsi, kgeleloleswe, motlakase le ditlhaeletsano tsa mahala tse di etleeditsweng, mme re beeletse mo bokgoning jwa batho go akaretsa thuto le katiso, le go fitlhelela tsa boitekanelo.

Re tla matlafatsa le go tshegetsisa seabe sa malapa go tshegetsisa baagi ba baša le ba ba godileng, re naya kgodiso ya bana tlhokomelo e e kgethegileng. Re tla matlafatsa gape boleng jwa ditirelo tse di abelwang batho, go akaretsa dikago tsa tlhokomelo tsa setšhaba le tsa baagi le go tswelsetsa go tlhokomela le go tlotla botlhogoputswa mo setšhabeng.

## PRIORITY 5

### GO SIRELETSA DEMOKERASI LE GO TSWELETSA KGOLOLOSEGO

Re tla tswelsetsa le go sireletsa ditshwanelo tsa botlhe kgaatlhanong le kgethololo ka bomorafe, ka bong, tirisodikgoka ya bong, homophobia, kgethololo le go sa itshokelane; go tswelsetsa ditshwanelo le seriti sa bana, baša, bagodi, batho ba ba tshelang ka bogole le maloko a LGBTQI; mme re tswelela ka go lwela kgololosego ya basadi le setšhaba se se sa kgethololeng ka bong.

Go matlafatsa ntwa kgaatlhanong le bosenyi le go dira gore ditšhaba tsa rona di sireletsege, re tla tsaya dikgato tse di maleba kgaatlhanong le diritibatsi, bosenyi jo bo rulagantsweng, tirosodikgoka ya bong le go bolawa ga basadi, go utswiwa le go senya thulaganyetso, bogagapa le digongwana tsa bosenyi.

Bobodu bo tlhofofatsa boikanyego jwa rona mo baaging le mo tlhabololong ya naga le ya ditšhaba tsa rona. Kajalo re tla tswelela go mekamekana le bobodu, re tokafatse boikarabelo jwa puso, re matlafatse bokgoni jwa dipatlisiso le dikattholo mme re netefatse gore go nna le ditlamorago tse di bokete tsa ditiro tsa bobodu mo setšhabeng le mo maphateng a poraefete.

Re tlhabolola thulaganyo ya go fudugela mo nageng gore re sekaseke ntlha ya go fuduga go go seng mo molaong ka nako e e sa tlhamalalang, re nolofatsa thulaganyo ya go dira kopo ya Visa, re itsise molao o o tshwanang wa maagi, mofaladi le go fuduga.

Go tlhomamisa tiragatso ya maitlamo a rona, go aga naga e e nang le bokgoni e e tlhabologang, go matlafatsa dikgolaganano magareng ga puso mo maemong otlhe le batho, go aga sešwa le go tokafatsa puso-selegae, go aga tirelo ya setšhaba ya porofesinale e e tlhabololang, e motheo wa yona e leng Batho Pele, le go matlafatsa pusotshwaraganano ka go dirisa District Development Model.

Re tlaleletse dikabelo tsa diatše, boswa, dipuo, setso, metshameko le lephata la ba ba bopang kgotsa ba ba agang, gore re age setšhaba, re phedisane mmogo le go tlhabolola setšhaba.

## PRIORITY 6

### AGA AFIKA E E BOTOKA LE LEFATSHE LE LE BOTOKA

Aforika Borwa e tla tswelela go ema nokeng tlhabololo le kagiso mo kontinenteng ya rona le mo lefatsheng ka bophara, e matlafatse dikgolaganano tsa go gweba le tsa go beeletsa le dinaga tse dingwe mme e dire gore e ntšhwafatse mekgatlho ya boditšhabatšhaba, e tswelsetse go nna seoposengwe le dinaga tse dingwe, go nna karolo ya makoko a a farologaneng a a gatelang pele a boditšhabatšhaba le go aga kagiso le botsalano le ditšhaba tsotlhe.

## A RE DIRENG GO FETA, MMOGO

Manifesto wa rona o tlama ANC mo ngwageng tse tlhano tse di tlang, go baakanya diposo le go dira go feta, ka bonako, botoka.

ANC e itlamilile go ntšhwafatsa, mme, fa go tlhokega, go bontsha maloko le baeteledipele ba yona diposo tsa bona. Eo ke karolo ya ntšhwafatso ya rona..

Ka go dira mmogo le maphata otlhe a setšhaba, re tshwaragane ka go farologana ga rona, re ka dira go feta go agela maAforika Borwa otlhe botshelo jo bo botoka.

# VOUTELA ANC

## 29 MAY '24

African National Congress



ANC



## MYANC PLEDGE ELECTIONS INITIATIVE



A BETTER LIFE FOR ALL

TO PLEDGE



SCAN ME

OR GO TO

[www.anc1912.org.za/pledge](http://www.anc1912.org.za/pledge)

OR

SMS "ANC" TO

37057

to PLEDGE R10

44892

to PLEDGE R20

42053

to PLEDGE R30

PLEDGE FOR A  
DECISIVE VICTORY  
AND A BETTER  
LIFE FOR ALL!